



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel**

**Francofurti Ad Moenum, 1690**

Caput XIII. Idem (a) Corrado & Petro quondam filiis Malebrancæ.

---

[urn:nbn:de:hbz:466:1-74533](#)

## C A P U T XII.

(a) Clemens. III.

**D**UO pueri, Guillelmus & Guillelma matrimonialiter sunt conjuncti, puer VI. puellâ verò VII. annum (b) agente: qui simul per tres annos manserunt. Tunc pater puellæ subtrahens eam sponsō, ipsam alteri N. nomine copulavit, cum quo per VII. annos quietè permanxit. Ipse verò tunc reliquit eandem, quia credebat eam alium virum habere, illum scilicet cui prius fuerat desponsata: prior autem sponsus ad annos discretionis perveniens, à prædecessore tuo contrahendi cum alia licentiam impetravit; qui quandam nomine S. consobrinam prioris in uxorem accepit, & cum ea per aliquod tempus existens, eam (ut ipse fatetur) carnaliter non cognovit, licet illa se ab eo cognitam asseveret. Cùm autem pater memoratæ Guill. eam vidisset à secundo viro reliqtam, prænominatum Guil. cui prius eam despontaverat, compulit ut S. neptem (c) suam omnino dimitteret, & ad Guill. suam despontatam rediret, qui postmodum per biennium cohabitavit eidem. Quia igitur quid tibi facendum sit postulas edoceri, breviter respondemus, quod impediente puerili ætate, matrimonium inter G. & G. non fuit: & licet idem, postquam illa nupsit alii, potuerit aliam ducere in uxorem, tamen quia dictam S. duxit consobrinam mulieris ejusdem, sive eam cognoverit, sive non, non debet tamen cum eadem S. propter publicæ (d) honestatis iustitiam remanere; nec ad primam habere regressum, quia alteri fuit legitimè copulata. *Et infra:* Cum verò vir caput sit mulieris, & G. dicat se non cognovisse prius S. supradictam, aliam si voluerit, poterit ducere in uxorem, & S. viro legitimo despontari: post separationem verò pro virando publico scandalo, utrique ad tempus est poenitentia injungenda. Si verò legitimè constaret, ipsam S. ab eo, sive post, sive antea cognitam extitisse, neutri vivente altero dabitur licentia contrahendi. Remanebit ergo Guillelma cum M. impositâ ipsi Mestaco ad tempus poenitentiâ competenti, qui pro sua opinione sola Guill. (judicio Ecclesiæ non requisito) dimisit.

## N O T A.

(a) **C**lemens III.] Ita etiam legitur in 2. coll. select. sub hoc titul. cap. unico: nullib[us] ramen exprimitur cui Prælato rescribat Pontifex, licet ex serie textus constet, in eo Episcopum alloqui; speciem autem eleganter retulit Cujac. in praesenti.

(b) **S**extum annum agens.] Et ita nec matrimonium, nec sponsalia inter eos dari poterant, juxta tradita supra in cap. 2. cap. 4. hoc titul. ex quorum commentariis præsens petendum est.

(c) **N**eptem suam.] Ex fratre, & ita consobrinam, ut accipiatur in cap. per tuas de probat. cap. accedens, de accusat. cap. 7. de consanguin. & affin. Sic enim posteriores scriptores loquuntur sunt, immo & priores, cum hac adjectione, nepotem neptem ve ex fratre, vel sorore. Eutropius lib. 7. Octavianum Augustum vocat Julii Caesaris nepotem, quia filius erat Accia sororis Julii Caesaris: Livi in epitom. 116. nepotem sororis Octavianum vocat: notavi in d. cap. per tuas.

(d) **P**ublica honestatis.] De quo impedimento plura adduxi in cap. 3. de spons.

## C A P U T XIII.

Idem (a) Corrado &amp; Petro quondam filiis Malebrance.

**A**d dissolvendum, quod factum fuerat inter I. filium nobilis viri L. & S. filiam quondam M. super matrimonio contrahendo, in nostra, & f. n. præsentia fuit ex parte vestra propositum, quod cùm dicta puella nondum ad septennium pervenisset, cum ipsa nec matrimonium contrahi, nec (b) sponsalia potuerunt: defuit etiam consanguineorum assensus, qui præcipue sunt in talibus requirendi. Quod si & ætas sufficientis extitisset, & consanguineorum extitisset assensus, personæ tamen non sunt legitimæ ad matrimonium contrahendum, linea consanguinitatis obstante: accusatione verò super consanguinitatem proposita, & tam ex parte juvenis, quam ex parte puellæ consanguinitatis gradibus computatis, cùm eam vellet idoneis testibus comprobare, præfatus L. multas exceptions proposuit, per quas nitebatur vos ab accusatione multipliciter removere. Cùmque super exceptionibus ipsis fuisset utrimque diutius

disputatum, auditis & intellectis quæcumque fuerint hinc inde proposita, de consilio fratribus nostrorum interloquendo pronuntiavimus, inter dictos juvenem & pueram, nec matrimonium, nec sponsalia fuisse contrafacta, cum constet pueram nondum ad septennium pervenisse. Quocirca nec accusatio locum habebat, cum non esset, quod legitimè posset (c) accusari; denuntiari tamen poterat consanguinitas, ut interdiceretur matrimonium (d) contrahendum. (e) Ad denunciationem ergo legitimè probandum festum omnium Sanctorum proximè venturum pro termino assignamus, salvis exceptionibus non solum propositis, sed etiam proponendis. Ne vero quidquam interim in pueram attentetur, auctoritate Ap. interdicimus firmiter, ut in ipso negotio de novo non procedatur ulterius, donec vel à denunciatione cessetur, vel denunciatione probata, ordine judicario procedatur. Quod si contra interdictum nostrum in præjudicium ipsius aliquid fuerit attentatum, illud irritum esse decernimus, & viribus omnino carere.

## N O T A E.

1. (a) **M**alebrance.] Ita etiam legitur in 3. collect. sub hoc titul. cap. 1. & in epistolis editis à Sireto, fol. 152. ex quo regelbro ita restituta literam hujus textus.  
 2. (b) **Nec sponsalia.**] Juxta tradita in cap. 2. cap. 4. hoc titul. ubi textum hunc exposui.  
 3. (c) **Accusari.**] Quia frustra petitur rescindi quod nullum est, l. non dubium s. C. de legib. l. situator 4. C. de quib. caus. in integ. refit.  
 4. (d) **Contrahendum.**] De honestate, ut in cap. 1. hoc titul.  
 5. (e) **Ad denunciationem.**] Agnoscit enim Innocentius III. in præsentia differentiam inter denunciationem, & accusationem: & docet, matrimonium accusari quidem frustra per causam proximitatis, qua non est; denunciari tamen uti-
- liter, ne facti puberes matrimonium contrahant, vel ne post infantiam sponsalia confirmant; accusatur enim matrimonium, quod factum est, ut rescindatur; denunciatur autem consanguinitas, vel simile impedimentum, antequam matrimonium celebretur, ne fiat: sicut denunciamus novum opus, ne quod molitur vicinus, & nondum fecit, faciat agimus interdicto, quod vi auctam, ut id quod iam factum est, tollatur, l. l. s. 1. ff. de novi operis nunt. Et ut denuncatio novi operis sitis & inhibet opus, ita & denuncatio consanguinitatis inhibet matrimonium, donec denuncatio probata aut remissa fuerit, causâ cognitâ, si dicatur denunciationem non fieri legitimo modo, vel fieri incongruo tempore, vel ab iis, quorum fides suspecta est, ut infra dicimus in cap. 3. de clandest. despons. cap. 1. qui matrimonia accipere.

## CAPUT ULTIMUM.

Idem (a) Episcopo Albertadensi.

**T**Uæ nobis exhibitæ literæ continebant, quod quidam vir nobilis suam filiam circiter xii. annos habentem cuidam viro nobili despontavit, qui (b) subarrhavit eandem consensu mutuo accedente: sed nuptiis aliquantulum prorogatis, pater pueræ viam universæ carnis est ingressus. Eo autem rebus humanis exempto, pueræ avunculus supradictæ ipsam alteri matrimonio copulavit, & ille qui prius despontaverat eandem, cum ipsius matre contraxit. Tuus autem prædecessor attendens, quod cum ea non poterat permanere, cuius filiam legitimè despontarbat, inter eos sententiam divortii promulgavit. Postmodum vero mortuo viro secundo, qui supradictam pueram duxerat in uxorem, ipsa se tertio copulavit, illo vivente, qui prius despontaverat eandem. Cæterum, tam ipsa, quam vir idem te duxerunt humiliter consulendum, utrum licite valeant commorari. Tu vero deliberatione habita respondisti, quod sponsio primo vivente, alteri non potuit legitimè copulari: sed quia tua Ecclesia postulavit uti super hoc Ap. Sedis consilio, procedere distulisti, nobis humiliter supplicans, ut super hoc tibi rescribere dignaremur. Quia vero super ea, quæ superius sunt expressa, nobis non potuit pro certo constare, cuius ætatis esset pueræ, cum primo viro exitit despontata, cum dicatur quod circiter xii. annos habebar, utrumve prudentia tunc in illa suppleret ætatem: f. t. t. respondemus, quod si pueræ tunc nubilis erat ætatis, & inter eam & primum virum legitimus intervenit de præsenti consensu, absque dubio inter eos erat legitimum matrimonium contractum etiæ carnalis commixtio non fuerit subsecuta. Si vero pueræ nubilis non erat ætatis, cum sepefatus vir despontavit eandem, & ætatem in eam prudentia non supplebat, proculdubio inter eos non conjugium, sed sponsalia contracta sunt, quamvis ab ipso viro eadem pueræ fuerit subarrhata. Quocirca si juxta primum modum matrimonium cum